

Obraćanje visokog predstavnika Paddyja Ashdowna povodom obilježavanja 60 godina postojanja Oslobođenja

Novine su neugodne.

To znam jer sam i sam član Odbora novina koje spadaju među najbolje – i s ponosom ću reći – najdosljednije neugodne novine u Velikoj Britaniji.

Novine su neugodne jer su i događaji koji nas okružuju neugodni, mišljenja su neugodna, politika je neugodna, i rezultat sinoćne nogometne utakmice je neugodan – a dobre novine odražavaju neugodnost života. Pravilno naglašene dobre novine odražavaju ovu neugodnost na način koji izaziva ogorčenost i debatu, kao i zadovoljstvo i povećanje tiraža.

Prema tome, uvjeren sam da se niko neće uvrijediti kada kažem da sam počastvovan što sam danas ovdje na proslavi 60-godišnjice jednih od najneugodnijih novina u Bosni i Hercegovini.

Ovo shvatite kao kompliment. Oslobođenje su novine koje su osnovane usred rata i koje su se odmah usprotivile represivnoj i šovinističkoj politici koja je tada bila u usponu.

Ovo su novine koje su zavrijedile divljenje svijeta u toku drugog rata, kada su zastupale ideal otvorenosti, demokracije i multikulturalnosti u zemlji koja je bila brutalno unakažena neobuzdanim nacionalizmom.

Neugodno insistiranje Oslobođenja na principima često ga je dovodilo u sukob sa državnim organima i vlastima. Zbog toga vam odajem priznanje.

Ovo je 60-godišnjica vaših novina. Vaša dosadašnja postignuća s pravom zasluzuju slavlje. Ja se srdačno pridružujem ovoj proslavi i pozivam vas da istu težinu date i narednih 60 godina. Vi imate posebnu odgovornost za budućnost upravo zbog toga što imate tako uvaženu prošlost.

Vaša obaveza prema osoblju, bivšem i sadašnjem, je da usvojite konkurento i transparentno poslovanje tako da Oslobođenje može garantirati sigurnost i dobru karijeru svojim uposlenicima.

Vaša obaveza prema čitaocima je da ne iznevjerite reputaciju političke nezavisnosti koju ste veoma skupo platili u toku prošlog rata.

Vaša obaveza prema svim građanima Bosne i Hercegovine je da ostanete jedan od vodećih zagovornika otvorene, demokratske i multikulturalne Bosne i Herzegovine.

Nemojte nikad prestati biti neugodni.

Hvala.